

Nd.

626. Breytingartillögur

við frv. til 1. um fiskveiðasjóð Íslands.

Frá Eysteini Jónssyni og Lúðvík Jósefssyni.

Við 3. gr. Í stað 1. málsgr. komi nýjar málsgreinar, svo hljóðandi:

Stofnlánadeildin veitir lán gegn 1. veðrétti í:

- a. fiskiskipum og öðrum veiðiskipum.
- b. fiskverkunarstöðvum, þar með töldum sildarverkunarstöðvum, frystihúsum, beitugeymslum, niðursuðuverksmiðjum, niðurlagningarslöðvum, verksmiðjum til vinnslu úr fiskúrgangi og lifrarbræðslum.
- c. verbúðum á viðleguhöfnum.

Forgangsrétt til lána samkvæmt b-lið hér að framan hafa félög útvegsmanna og fiskimanna, sem stofnuð eru til þess að reka iðnað í þágu útvegsins og eru opin útvegmönnum og fiskimönnum, og félög, sem þorri útvegsmanna á hverjum stað er þáttakandi í, í þeim tilgangi, er að framan greinir, enda skipti félögin arði af rekstri í hlutfalli við viðskipti félagsmanna.

Heimilt er að lána félögum þeim, sem um getur í næstu málsgrein hér á undan, til byggingar skipasmíðastöðva, dráttarbrauta, vélsmiðja og annarra fyrirtækja, sem þau reka eingöngu eða að langmestu leyti í þágu sjávarútvegsins.

Lán má eigi veita úr stofnlánadeildinni til annarra framkvæmda en þeirra, sem gerðar eru eftir 1. jan. 1944.

Til vara: Ef till. meiri hl. n. um að fela stofnlánadeildinni framkvæmd lánveitingastarfsemiðnar verður feld, kemur í stað stofnlánadeildar (á tveimur stöðum): fiskveiðasjóður.